

Vīriška draugīstē

Muna chiebruo buvuom tris:
Aš, Jeruonims i Balis.
Dina, vakare, rite,
Dirbuom Bali garaže.

Aš suvirināu matuora,
Vuo Jeruonims pūti uora,
Tvarki Bali ratalius,
Uns išleida i svečius...

Mudu dvīse pasilike,
Gieriem maža butelkike,
Mums vinuos juk neužteka,
Raduom da vīna unt laktu.

Vuos patvarkiem ir tun untra,
Jau Jeruonims viskun trunka.

Palubie pamatis vuora,
Muosikūdams šlūta stuora,
Nuverti muna matuora.
Ištekieje tepalā,
Jau matau – būs negerā.

Aš Jeruonimū sakau:
– Eikem numi mas greičiau.
Vuo Jeruonims unt grindū,
Šauk, ka čia labā slidu.

Jau žadėjau imt pašlūste,
Žiūru – sava snuki šlūstuos.
Je daba sugrīš Balis,
Uns tuo bruda navalis.

Aš vatinka unt pečiū,
Tekins numi takučiu...